

**Շահեն Աբրահամյան,
փ.գ.թ. դոցենտ, պրոֆեսոր**

ԱրՂՀ փիլիսոփայության և քաղաքագիտության ամբիոնի դասախոս

**ՄՏՈՂՈՒՄՆԵՐ ԼՂՀ ՀԱՍԱՐԱԿՈՒԹՅԱՆ ՍՈՑԻԱԼԱԿԱՆԱՑՄԱՆ
ԳՈՐՑԸՆԹԱՅԻ ՇՈՒՐՁ**

Հեղինակի կարծիքով անկախ պետականակերտման գործընթացում ԼՂՀ հասարակության սոցիոմշակութային տրանսֆորմացիան կատարվել է առանձնահատուկ և ավելի բարդ պայմաններում, որը կապված էր ազգային զարթոնքի, պետականության նոր ձևի ընտրության և ազգայնական գաղափարախոսության ակտիվացման հետ: Ընդգծվում է՝ վերևից պարտադրված տնտեսական համակարգի արմատական վերակառուցման նեգատիվ ազդեցությունը սոցիալականացման գործընթացի վրա:

Բանալի բառեր՝ սոցիոմշակութային, էլակետային, սոցիալական շերտավորում, համակարգ, էլիտա խավ

**Шаген Абрамян,
кандидат философских наук, доцент, профессор,
кафедра философии и политологии АрГУ**

РАЗМЫШЛЕНИЯ ПО ПОВОДУ ПРОЦЕССА СОЦИАЛИЗАЦИИ В НКР

По мнению автора в процессе создания независимой государственности в НКР трансформация социокультурного общества произошла по-особенному и в сложных условиях, что связано с национальным пробуждением, выбором нового вида государственности и с активизацией национальной идеологии. Подчеркивается отрицательное воздействие на процесс социализации, навязанной сверху во время коренной реконструкции экономической системы.

Ключевые слова: социокультурный, отправная точка, социальная дифференциация, система, элита

**Shahen Abrahamyan,
Ph.D., .ASU, Lecturer, Department of Philosophy and Political Science**

CONTEMPLATIONS ON THE PROCESS OF SOCIALIZATION IN THE NKR

According to the author in the process of establishing an independent state in the NKR socio-cultural transformation of society was in a special way and in difficult conditions, which is associated with the national awakening, a choice of a new kind of state, and with the activation of a national ideology.

Keywords: socio-cultural, the starting point, social differentiation, the system, the elite

Հասարակության սոցիալականացման գործընթացը ԽՍՀՄ տարածքում ձևավորված նորանկախ պետություններում հանդիսանում է քաղաքագիտության ուսումնասիրության հրատապ հիմնահարցերից մեկը: Բոլոր դեպքերում հասարակական իրավաքաղաքական կյանքի արմատական վերակառուցումը անհրաժեշտություն է դարձնում էլակետային վերափոխումները հասարակության սոցիալական կառուցվածքում: Հեղափոխական բնույթի բոլոր շարժումների ավարտից հետո որպես կանոն սոցիալական տրանսֆորմացիայի է ենթարկվում հասարակությունը: Հասարակության մասնիկը հանդիսացող յուրաքանչյուր անհատ հաղորդակցվում է տնտեսական զարգացման նոր համակարգի, նոր ռազմավարության, քաղաքական մշակույթի նոր արժեքների հետ և այսպանից ելնելով, որոշում է իր տեղն ու դիրքը սահմանող նոր գործառույթների համակարգում: Այս տեսանկյունով կարող ենք ասել, որ ԼՂՀ հասարակության սոցիալականացման գործընթացը խորհրդային համայնվարական համակարգի փլուզումից և անկախության հռչակումից հետո ընթացել է երկու փուլերով: Առաջին փուլի բնորոշման համար որպես էլակետ կարելի է համարել խորհրդային հասարակարգում հիմնավորված «գործարանը՝ բանվորին, հողը՝ գյուղացուն» կարգախոսը, որը իր վաղեմի ազդեցությունը իսպառ կորցրել էր դեռևս անցյալ դարի 70-ական թվականներին, և բնականաբար նոր պայմաններում անհրաժեշտություն դարձավ սոցիալական հարաբերությունների նոր ուղենիշի ընտրությունը: Այդպիսի ուղենիշ դարձավ Արևմտյան տնտեսական ու քաղաքական արժեքների որդեգրումը՝ իբրև իդեալական հասարակական հարաբերությունների համակարգ: Տնտեսական կյանքում այդ ուղենիշը նշանակում էր շուկայական հարաբերությունների արմատավորում արտադրության և առևտրի ասպարեզում: Իսկ քանի որ ԼՂԽՄ-ի տնտեսական կյանքում գերակա դերը պատկանում էր գյուղական կոլեկտիվ տնտեսություններին, բարեփոխումների հիմնախնդիր դարձավ նախկին կոլեկտիվ տնտեսությունների լուծարման և Արևմուտքի օրինակով ֆերմերային տնտեսությունների կառուցման անհրաժեշտությունը: Մինչդեռ տասնյակ տարիներով համայնվարական տնտեսական համակարգում ապրած գյուղացին գաղափար չունեցրեց ոչ շուկայական հարաբերությունների, ոչ էլ ֆերմերային տնտեսությունների մասին: Ուստի ռազմավարական այսպիսի ձեռնարկումների արդյունքում իրականություն դարձան կոլեկտիվ տնտեսությունների լուծարումը և գյուղական բնակչությանը բացարձակ ազատության շնորհումը: Այսինքն, տնտեսական և սոցիալական բարեփոխումների

հետևանքը եղավ այն, որ գյուղացու համար ստեղծվեց անձնական կյանքի կառուցման անհատական կամքով ընտրված ռազմավաչրական ուղի: Գյուղական հասարակության ացագ խումբը վերադառնալով հայրերի ու պապերի հողի և անասունի հետ ունեցած հարաբերությունների կենսատճին, իր զբաղվածությունը, ձեռքի ուժի օգտագործումով, որոնեց տնամերձ հողամասում և տնային սահմանափակ տնտեսության ստեղծման մեջ: Մի խոսքով, ԼՂՀ-ում ազատությունը հռչակվեց որպես սոցիալական կացության եղանակ: Բայց չնոռանանք, որ տասնյակ տարիներով ԼՂՀ-ի հասարակությունը իր բոլոր տեսակի հարաբերություններով, անգամ ընտանեկան հարաբերություններով գտնվում էր պետական կառույցների հսկողության ներքո: Ուստի շնորհիվ համարյա բացարձակ ազատությունը չէր կարող չունենալ իր սովորույթ կողմերը:

ԼՂՀ հասարակության սոցիալականացման գործընթացի երկրորդ փուլը կարելի է անվանել հասարակական խմբերի և անհատի տնտեսական ու սոցիալ-քաղաքական կյանքում սկսված ակտիվացման փուլ: Այն սկսվում է անցյալ դարի 90-ականների երկրորդ կեսերից: Ի դեպ, նպատակահարմար ենք համարում այստեղ ընդգծել, որ անհատի սոցիալականացումը կատարվում է քաղաքական ու հասարակական կառույցների՝ պետության, դպրոցի, կուսակցությունների, հասարակական բազմաբնույթ կազմակերպությունների, միությունների, հավատի միջոցով: Անհատի սոցիալականացման գործընթացին ակտիվորեն մասնակցում են նաև երկրի լիդերները, գիտության և մշակույթի ճանաչված գործիչները, հավատը, լրատվության միջոցները և գաղափարախոսությունը: Սոցիալական կառուցվածքի բաղադրամասերի կազմավորման գործում կարևորագույն դեր են կատարում քաղաքական ռեժիմները, մարդկանց ապրելակերպը, նյութական բարիքների և աշխատանքի արժեքների արդարացի բաշխումը: ԽՍՀՄ-ի փլուզումից հետո Լեոնային Ղարաբաղի հասարակության սոցիոմշակութային տրանսֆորմացիան կատարվել է առանձնահատուկ և սովորականից ավելի բարդ պայմաններում, որը կապված էր ազգային զարթոնքի, պետականության նոր ձևի ընտրության և ազգայնական գաղափարախոսության ակտիվացման հետ: Ղարաբաղցիների կողմից Մայր հայրենիքի հետ վերամիավորման և պատմական արդարության վերահաստատման պահանջը ոչ միայն զուտ ազգայնական բնույթ ուներ, այլ նաև բողոքի արտահայտություն էր խորհրդային տոտալիտար ռեժիմի դեմ: Հետևաբար, խորհրդային տնտեսական համակարգի փլուզման հետ մեկտեղ ղարաբաղցիները հրաժարվեցին նաև խորհրդային սոցիոմշակութային կառուցվածքից: Հասարակագիտության արխիվին հանձնվեց բանվոր դասակարգի, կոլտնտեսային գյուղացիության և մտավորականության շահերի միասնության մասին հորինված սոցիոմշակութային պատրանքը:

Երկրի ներքին կայունության, հասարակության միասնության ու համերաշխության պահպանման համար անհրաժեշտություն դարձավ սոցիոմշակութային նոր մոդելի առաջադրումը: Նոր մոդելի հիմքում դրվեցին բարենպաստ ազգայնական գաղափարախոսությունն ու քրիստոնեական բարոյախոսությունը: Հոգևոր այս գործունեների ազդեցության ներքո ձևավորվեցին սոցիալական ու քաղաքական համակարգերը: Կազմավորվեցին պետական կառույցները, կյանքի կոչվեց իշխանական մարմինների ընտրական համակարգը, հիմնադրվեցին քաղաքական կուսակցություններ և բազում հասարակական կազմակերպություններ: Հասարակությունը ընտրեց սոցիալական զարգացման ժողովրդավարական ուղին, հետևաբար նաև աշխատանքի արժեքի գնահատման և բարիքների արդարացի բաշխման եղանակը: Տնտեսակարգի արմատական վերակառուցման մեջ առանցքային նշանակություն ստացան սեփականաշնորհման, շարժական և անշարժ գույքերի հավասարակշռված վաճառքի, կառավարման ասպարեզում մասնագետ ու գործիմաց անհատների ընտրության հիմնահարցերը: Բսկ ինչպիսի ընթացքավորում ունեցավ այս հիմնահարցերի լուծումը: Չենք կարող մեր կարծիքը փաթաթել ընթերցողին, բայց ճշմարտության աչքերին նայելով, պետք է ասենք, որ հենց այս հիմնահարցերի լուծման մեջ գերակայող դեր կատարեց չարաբաստիկ անձնական շահը: Երկրում եղած կապիտալն ու ռեսուրսները հայտնվեցին փոքր խումբ անհատների ձեռքում: Մի քանի տարիների ընթացքում ձևավորվեցին սեփականատեր հարուստների փոքրաթիվ և աղքատների սովոր խավեր: Ինչ վերաբերում է քաղաքական էլիտար խմբի ձևավորմանը, ապա այստեղ 90-ականների երկրորդ կեսերին հիմնավորվեցին մի շարք սկզբունքներ, այսինքն, թե ով ում հետ է սովորել դպրոցում կամ բուհում, ով ում զավակն է, ով ում հետ է հարևան, ում հետ է ընկերություն արել պատանեկության տարիներին և այլն: Այս սկզբունքներով է շատ դեպքում կազմավորվել քաղաքական էլիտար խմբի վերելակը, իսկ բանականությունը մնացել է սովորի տակ:

Վերը նշված թերացումները զգալի դեր են կատարել հետխորհրդային Լեոնային Ղարաբաղի հասարակության սոցիալական կառուցվածքի դեֆորմացիայի խորացման գործում: Գևորգ Պողոսյանը ընդգծում է, որ հետխորհրդային հասարակությունները խցանվել են երկու պատմական համակարգերի միջև ընկած սոցիալ քաղաքական տարածքում:¹

ԼՂՀ հասարակության սոցիալականացման գործընթացը կարելի է համարել անկանխատեսելի սոցիալական հանրույթների ձևավորման չկայացած համակարգ, որտեղ ներկա պայմաններում ստույգ կերպով սահմանագատվում են հասարակախորեն կազմավորման երկու հիմնական բևեռներ: Դրանք հարաբերականորեն կարելի է անվանել հարուստների և աղքատների խմբեր: Չնայած կուսակցությունների ծրագրերում, պետական այրերի հրապարակային էլոյթներում հաճախակի են հնչում փոքր և միջին բիզնեսի զարգացման, հասարակական միջին խավի ձևավորման մասին խնդիրները, այնուհանդերձ կարծում ենք <<միջին խավ>> կոչվող հանրույթը ԼՂՀ-ում հաստատուն կեցվածք չունի: Մակայն այսպիսի եզրահանգումով չի նսեմանում ԼՂՀ իշխանությունների ներքին քաղաքականության սոցիալական նպատակաուղղվածության ռազմավարությունը: Վերջին տարիներին ակնառու փոփոխություններ են կատարվել մայրուղիների և միջոցառական ճանապարհների բարեկարգման, դպրոցաշինության, սակավակարող ընտանիքների աջակցության, մայրաքաղաք Ստեփանակերտի և շատ

¹ Տե՛ս Գևորգ Պողոսյան. Հայ հասարակությունը 21-րդ դարակարգին. Երևան, 2006թ., էջ 201

գյուղերի ջրատար ցանցի բարեկարգման, ներքին անվտանգության ապահովման: Հաճախ այնպիսի կարծիք է ստեղծվում, որ թվում է, թե մարդկանց մի մասի մոտ ձևավորվում են նաև խնամառուական տրամադրություններ:

Այսպիսով, ներկա հողվածում փորձեցինք անձնական տեսանկյունով ներկայացնել ԼՂՀ հասարակության սոցիալականացման գործընթացի որոշ հատկանիշները, իրենց դրական և ստվերոտ կողմերով հանդերձ: 20-րդ դարի բրիտանական հանրաճանաչ քաղաքագետ Էնդրյու Հեյվուդը ընդգծել է, որ սոցիալական կառուցվածքով է բնորոշվում երկրի քաղաքական կարգը: Սոցիալական դիֆերենցացումը և հասարակության ներսում գոյացող հակասությունները վերջին հաշվով հասցնում են ռեֆորմների կամ հեղափոխությունների:¹

ԼՂՀ-ում ներկա պայմաններում միանշանակ բացառվում են սոցիալական հակամարտ բախումների և հասարակության ու իշխանության օտարման նախադրյալները: Հասարակությունը վստահում և ընդունում է իշխանության լեգիտիմությունը: Պարզապես յուրաքանչյուր անհատ, յուրաքանչյուր ընտանիք կառուցում է իր ապրելակերպի ու սոցիոմշակութային կենսաոճը՝ կարևորությունը հատկացնելով ընդհանուրի նվաճած անկախության արժեքավորմանն ու հասարակության ներքին էթնիկական միասնության պահպանմանը:

¹ См. Эндрю Хейвуд. Политология. Изд. Юнити, М. 2005 г., стр. 240